

Suštinsko okončanje provedbe imovinskih zakona potvrđeno za Domaljevac-Šamac, Vukosavlje i Orašje

OSCE, OHR, UNHCR i CRPC žele čestitati općinama Domaljevac-Šamac, Orašje, i Vukosavlje na suštinskom okončanju implementacije imovinskih zakona. Suštinsko okončanje provedbe imovinskih zakona je važna potvrda vladavine zakona u Bosni i Hercegovini.

Pregled i verifikacija okončanja provedbe imovinskih zakona za općine Domaljevac-Šamac, Orašje i Vukosavlje označava početak završne faze Plana za provedbu imovinskih zakona u ovim općinama.

Općina mora ispuniti nekoliko kriterija da bi bila certificirana kao općina koja je suštinski okončala provedbu:

1) Općine moraju riješiti sve nedovršene zahtjeve za povrat imovine do stepena u kojem je osoba koja potražuje svoju imovinu uistinu i stupila u posjed svoje imovine.

2) Općine moraju nastaviti obezbjeđivati alternativni smještaj za one koji na njega imaju pravo.

3) Općine moraju osigurati postojanje dovoljnih administrativnih kapaciteta za rješavanje budućih zahtjeva, kao i slučajeva koji su vraćeni sa drugostepenih tijela ili sudova.

4) Općine moraju osigurati da općine u kojima izbjeglice i raseljena lica trenutno žive, kao i CRPC, imaju informacije o riješenim slučajevima

5) Općine moraju arhivirati i zaštititi sve spise u skladu sa relevantnim zakonima.

Suštinskim okončanjem provedbe imovinskih zakona *ne prestaje* pravo pojedinca na podnošenje zahtjeva za povrat privatne imovine kod kompetentnih administrativnih tijela.

Verifikovanje suštinskog okončanja provedbe imovinskih zakona zasniva se na pregledu svih dokumenata koje obezbjeđuju relevantne službe za imovinska pitanja, a pod uslovom da su ispunile sve svoje zakonske obaveze u odnosu na provedbu imovinskih zakona.